




Republika e Kosovë
Komuna e Drenasit
Kuvendi i Komunës



Nr. 12-030-14741 dt. 23.04.2020

PROCESVERBALI

I mbledhjes së Komitetit për Politikë dhe Financa të mbajtur më dt. 20.03.2020, ora 10:00.
Mbledhjen e kryesoi Labinot Halilaj-Kryesues.

Kryesuesi deklaroi të hapura punimet e mbledhjes të Komitetit për Politikë dhe Financa, ku të pranishëm ishin anëtarët e Komitetit për Politikë dhe Financa: Kryesuesi i Komunës Labinot Halilaj, Gani Podrimqaku, Blerina Gashi, Florentina Elezi, Fitore Morina, Edolina Plakiqi, Burim Bujupi. Prezent gjatë mbledhjes së Komitetit për Politikë dhe Financa ishin: Kryetari i Komunës Ramiz Lladrovci shefi i Kabinetit të Kryetarit Flamur Curri, Drejtori për Gjeodezi Kadaster dhe Pronë Ruzhdi Lestrani në cilësinë e Kryetarit të Komisionit për punën në statut të Stacioni i autobusëve”, SH. A. në Drenas-Gllogoc.

Komiteti filloi punimet më këtë:

Rend dite

1. Procesverbali i mbledhjes së Komitetit për Politikë dhe Financa të dt. 21.02.2020.
2. Propozim Vendim i Statutit për ndërmarrjen publike Lokale “Stacioni i autobusëve”, SH. A. në Drenas-Gllogoc.
3. Propozim Vendim për formimin e komisionit për vlerësimin e pronave që mund të këmbehen dhe dhënien e rekomandimeve për pronat që duhet të shpronësohen në parcelën 743/1, në zonën e kadastrave Drenas.
4. Diskutim rreth situatës emergjente e krijuar nga COVID-19, dhe mundësitë e ndarjes buxhetore për tejkalim të situatës në Komunën e Drenasit.
5. Të ndryshme.

Kryesuesi i Kuvendit, Labinot Halilaj: hapi mbledhjen e KPF. Pasi përshëndeti të pranishmit, prezantoi rendin e ditë. Më pas fjalën ja kaloi Kryetarit të Komunës Ramiz Lladrovci, ku shtoi dhe një pikë të rendit të ditës: - Diskutim rreth situatës emergjente e krijuar nga COVID-19, dhe mundësitë e ndarjes buxhetore për tejkalim të situatës në Komunën e Drenasit.

Kryesuesi i Kuvendit, Labinot Halilaj, hodhi në votim rendin e ditës së bashku me pikën shtesë.

Për votuan 7 anëtar

Kundër nuk ka,

Abstenim nuk ka.

Kalojmë te pika e parë:

1. Procesverbal i mbledhjes së Komitetit për Politikë dhe Financa të dt. 21.02.2020. Ka diskutime rreth procesverbalit? Jo! Hedhim në votim pikën e parë të rendit të ditës: prezent gjatë votimit janë 7 anëtar:

Për votuan 7 anëtar.

Kundër nuk ka.

Abstenim nuk ka.

Kalojmë te pika e dytë e rendit të ditës:

2. Propozim Vendim i Statutit për ndërmarrjen publike Lokale “Stacioni i autobusëve”, SH. A. në Drenas-Glllogoc.

Drejtori për gjeodezi dhe kadastër Ruzhdi Lestrani ;- Sa i përket stacionit të autobusëve dhe ish-Kosova Transit në komunat tjera kjo punë ka përfunduar në vitin 2010, mirëpo ne jemi duke u munduar me e kap hapin e fundit sepse atëherë i kanë pas 264 dite përti përfunduar po nuk i kanë përfunduar. Së pari, duhet të behet statuti i kompanisë pastaj dërgohet për ligjshmëri, pasi përfundohet procedura e ligjshmërisë, tani kuvendi prapë e bënë emërtimin e bordit të drejtorëve domethënë strukturat menaxhuese të kësaj kompanie publike lokale. Në momentin e miratimit të aprovimit të kërkesës propozimin e bënë kryetari me kuvendi pasi te përfundohen këto procedura kthehet ligjshmëria atëherë kompletetohet dosja shkon për regjistrim në ARBK në momentin e regjistrimit në ARBK atëherë mundemi me quajtur se ky ka përfundua dhe atëherë është në kuadër të komunës tonë, unë jam duke bërë përpjekje që katër muaj për me aprovua këtë procedurë sepse kjo ka shkuar në vitin 2010 dhe është dashur të kryhet në vitin 2011 maksimumi prej atëherë deri tani kanë ndryshuar ligjet e shumë gjëra. Jemi duke bërë përpjekje maksimale me e arrit ne me bërë këtë për mos me shkuar me pag por me marrë si pasardhës, trashëgimtar të Kosova Transit për me mund mos me kalu nëpër procedura të privatizimit sepse është një kosto e madhe.

Burim Bujupi – kisha dy pyetje për anëtarin e komisionit z.Lestrani këtu ne status nuk na ka ardhë një raport se cilët janë anëtarët e tjerë të komisionit sepse ne nuk kemi informata dhe nuk e dije saktësisht se kush kane qenë anëtarët e komisionit e dimë që i kemi votu në kuvend por tash nuk mundemi ne me i mbajt në mend dhe pse nuk e keni bërë një raport me dite se qka është diskutu me anëtarët tjerë dhe a janë të pajtimit rreth këtij statuti?

Drejtori për gjeodezi dhe kadastër Ruzhdi Lestrani- janë procesverbalet edhe raporti përfundimtar, i cili nuk është i nënshkruar për arsye të pandemisë, Anëtarët janë Petrit Gashi dhe Bujar Dervishi, pra ka qenë i nënshkruar prej tyre ajo nuk mund me u sjell është mbet për me u nënshkruar nga ata. Petriti është i pajtuar, por duhet me ardhë me nënshkruar fizikisht edhe pse ajo vlen me dy anëtar se tre anëtarë jemi krejt, nese dy e kanë nënshkruar ajo është e vlefshme.

Kryesuesi i Kuvendit Komunal Labinot Halilaj-qëllimi kësaj është shume i mirë dhe në një fare mënyrë është mirë me procesu me shpejt si procedur .

Drejtori Ruzhdi Lestarni- Burimi ka të drejt që po kërkon sepse kjo është ndryshuar,ka qenë një komision tjetër, tani është një tjetër komision por arsyeshmërin e të gjitha ja dërgojmë në mënyrë elektronike për shkak të corona virusit mos me pas kontakt me gjëra fizike.

Gani Podrimqaku –a është diskutu lidhur me obligimet e Kosova Transist sa janë obligimet se nëse e marrim ne si Komunë ndoshta ka edhe obligime mos janë obligimet shumë të medhaja?

Drejtori Ruzhdi Lestrani- Kosova Transi nuk ka obligime kaq të lira ata që e kanë pas në shfrytëzim tek minuta 7:50 nuk ndegjohët incizimi deri tek minuta 8:03

Burim Bujupi –realisht unë jam për me avancu dhe me shkuar përpara me statutin, mirëpo nuk është puna veq të ju po gjithëmonë nëpër komisione po na mungojnë raportet, jam për me përcjellë për kuvend mundësisht me qenë raporti i plotë.

Kryesuesi Kuvendit Komunal Labinot Halilaj -Diskutime të tjera. Nuk ka-e rekomandoj për kuvend .

Kalojmë te pika e tretë e rendit të ditës:

3. Propozim Vendim për formimin e komisionit për vlerësimin e pronave që mund të këmbehen dhe dhënien e rekomandimeve për pronat që duhet të shpronësohen në parcelën 743/1,në zonën e kadastrave Drenas.

Burim Bujupi-unë mendoj që sa herë që ka propozim vendime për formimin e komisioneve është mirë që anëtarët që emrat e ekzekutivit paraprakisht me hulumtua edhe ne si anëtar të kuvendit për me dit se çfarë anëtar janë CV-ne e tyre ju kisha bërë kërkesë para se me ardh në kuvend me i ditë emrat e anëtarëve të ekzekutivit

Kryetari i Komunës Ramiz Lladrovci –unë nuk kam përcaktua asnjë emër për ekzekutiv,por pasi po kërkon po marrim vendim sot,ti dërgoi emrat me emali ty edhe të gjithë komitetit nuk ka problem, besoj që po e dini për cilën parcelë po behët fjalë propozimi është për parcelën përtej banesave të Kullës edhe të Rukollit në atë pjesë ne duhet me ndërmarre diçka ne edhe ashtu e kemi projekt,që duhet me zhvillu atë pjesë jo me lënë në mes të sheshit në gjendje te mjerueshme atë pjesë ku edhe kanë filluar njerëzit ne pronë tonë të ndërtojnë edhe shtëpi .

Drejtori Ruzhdi Lestrani-planifikimi ka qene qe nga viti 2008 planifikimi urban planifikimi zhvillimor në vitin 2012 ka filluar një iniciativë po e kanë ndërpre dhe i kanë lanë ne gjendje të mjerueshme ata banoret aty,pra shfrytëzuesit janë te banimit të objektit jo të parcelave komunale

objekte janë të privatizara janë te tyre, komuna i ka ndërtu po ata i kanë në shfrytëzim ata i kanë privatizu në vitin 1992.

Duke pasur parasysh Planin Zhvillimor Komunal, Hartat Zonale dhe Planifikimin Urban në Komunën e Drenasit, me qëllim të realizimit të interesit të përgjithshëm, në zonën kadastrale në Drenas, në parcelën 743/1, do të behët këmbimi, respektivisht shpronësimi i banesave pronë private, të cilat ndodhen në pronën e komunës së Drenasit, duke siguruar edhe qëllimin e përmbushjes së interesit publik dhe zhvillimin ekonomik lokal.

Parcela 743/1, në zonën kadastrale në Drenas, në bazë të Planit Zhvillimor Komunal është zonë e planifikuar për ndërtim të lartë. Andaj, qëllimi i këtij komisioni është që të bëjë vlerësimin e të gjitha banesave private të cilat ndodhen në pronën komunale, e të cilat mund të këmbehen me banesat pronë komunale, në të njëjtën kohë të epen rekomandimet për banesat private të cilat në bazë të m² nuk mund të këmbehen.

Duke pasur parasysh këto që u thanë me lartë kërkoj nga ana juaj që të aprovonit këtë propozim vendim me qëllim të realizimit të interesit të përgjithshëm në atë zonë.

Kryesuesi i Kuvendit Komunal Labinot Halilaj –e rekomandoi për kuvend këtë pikë të rendit të ditës,dhe në mënyrë unanime votohet për seancë të kuvendit

Për votuan 7 anëtar.

Kundër nuk ka.

Abstenim nuk ka.

Kalojmë te pika e katërt e rendit të ditës:4. Diskutim rreth situatës emergjente e krijuar nga COVID-19, dhe mundësit e ndarjes buxhetore për tejkalim të situatës në Komunën e Drenasit.

Kryetari i komunës Ramiz Lladrovci-sqaroi rreth gjendjes së përgjithshme në QKMF po ashtu edhe për ngritje të çmimeve nëpër markete të ndryshme. G jendja është nën kontroll dhe e menaxhueshme, dhe falënderoj të gjithë ata vullnetar që janë paraqitur për të bashkëpunuar me komunën Drenas në këto ditë rrezikshme nga virusi COVID19.


Kryesuesi i Kuvendit Komunal Labinot Halilaj: rekomandoi që edhe kjo pikë të shkojë në Kuvend për diskutim. Më pas hapi diskutimin për pikën e pestë të rendit të ditës:

5. Të ndryshme

Pasi nuk pati diskutime tjera vërejtje apo sugjerime, kryesuesi i Kuvendit Komunal konsideroi si të mbyllur mbledhjen.

Mbledhja përfundoj rreth orës: 11: 08 min.

Procesmbajtëse:


Zaharie Podrimqaku Subashi.

